

Dialogi 8. Kaššalla (š. 20–21).

- Myöjä: Terveh!
- Saša: Terveh!
- Myöjä: Yhteheš kakšikymmentä nellä euroo viisikymmentä šenttie.
- Saša: Täššä kakšikymmentä viisi euroo.
- Myöjä: Passipuo ta viisikymmentä šenttie jälelläh. Hyvyä päivän jatkuo teilä ta tulkua toiččiki!
- Saša: Passipo, šamua ni Teilä!

Harjotuš 8-1. Jata virkkehet. Muissa käyttyä partitiivie.

- Malli: *Oššoškärryššä on (maitopaketti 2, jauhopušši 1, juušto, leipä) –
Oššoškärryššä on kakši maitopakettie, yksi jauhopušši, juuštuo ta leipyä.*

Oššoškärryššä on ...

(jauhopušši 2, maitopaketti 1, lihapurkki 4, limonadipullo 3, banani 5, kahvipaketti 3, čäijytokka 2, šokeripušši 1, karamellipušši 2, potakkavärčči 1; kala, liha, potakka, luukko, maito, jätelö, mannaryyni, makaroni, perčču, šokeripesku).

Harjotuš 8-2. Pane šanat oikie muotoh. Kyšymykšet ollah avukši.

- Malli: *Makšan oššokšet pankkikortilla.*

Makšan oššokšet (pankkikortti, käsiraha; millä?)

Kaššalla myöjä anto (kuitti, bonuskortti, sumčča; min?)

Pissän (kukkaro, telefoni, maski; min?) ... kormanoh.

Harjotus 8-3. Šanele, kuin äijä miki makšau. Kekši lisyä kyšymyštä.

Malli: *Kuin äijä šokeripesku makšau? –*

Kilo šokeripeskuo makšau šiinä euron tahi puolitoista euroo.

Kuin äijä šokeripesku makšau?

Kuin äijä čäijytokka makšau?

Kuin äijä kilo potakkua makšau?

Kuin äijä kahvipaketti makšau?

Kuin äijä rukehini leipä makšau?

Kuin äijä maitopaketti makšau?